

太上玉笈救劫金燈

民國九年孟冬之吉

太上玉笈救劫金
燈感應篇新註

浙善施清題



太上玉笈救劫金燈感應篇新註敘

人在天地之氣中。天地在人之心中。天下善心多。則天清地朗。共享太平。天下惡心多。則天黑地昏。釀成劫運。刀兵盜賊水火瘟疫為外劫。貪嗔癡愛淫佚驕奢為內劫。內劫無常。外劫有數。然外劫未有不由內劫之積累而成也。故欲消除劫運。先正人心。感應篇者衆生之心燈也。遙溯大唐扶桑大會運逢陽九。又臨百六。生靈遭劫者衆。諸天聖真。共嘆救劫無術。太上曰。吾有感應篇傳之下界。但能改惡從善。即可解劫消災。久久行持。不但免劫。並可成真。爰命金童玉笈取出衆仙徧讀。俱稽首讚曰。下民之暗室金燈也。速勅梓潼帝君。飛鸞顯示。然讀者多視為覺世具文。不知實為救劫要旨。故箋註幾滿百家。總多隔膜。今滙真子奉太上之命。詳註此篇。名為玉笈救劫金燈。雖創其新。實仍其舊。援筆時常有金童在側。得句即錄。註成衆仙披閱。謂議論正大。詞旨光明。挹羣言而畢貫。會三教於一源。洵足以正人心而消劫運。由是異口同聲。嘆歷來所註。以此為第一。滙真子之功。當以億萬計。贊襄者亦與有力焉。吾奉命來序。合觀全卷。其善條如不欺暗室。與三台北斗。忠孝友悌等章。均發前人所未發。其惡條如包貯險心。與輕蔑天民。認恩推過等章。尤為精警清新。其餘較尋常講解。俱屬美善畢臻。急宜廣佈流傳。家諭戶曉。一人信從。一人免劫。一家信從。一家免劫。一鄉信從。一鄉免劫。天下信從。天下免劫。爰并數語。以為心燈添油之一助。庶人心有長明不滅之燈。而天

地無大亂難平之劫乎。是為序。

時

大清咸豐庚申仲夏竹醉日都天糾察善神大清官兼司道門功過陳玉贊敬序於武

陽之覺世齋

太極真人讚曰

感應新註

救劫金燈

家供一本

魔不敢侵

潛玩全卷

劫運不臨

遵行不倦

九祖超昇

孫賢子孝

福祿倍增

三教志士

各宜勉行

太極真人新訂功過。看一章。記三功。看十章。記三十。看全卷。照章加倍。與人講說。照此

記功。印送一卷。記功一百。

凡例

一是非之心人皆有之。是道非道。一涉疑似。未有不認欲為理者。是經將善惡兩途。指

示分明。而新註更剖晰入微。讀者誠細心體認。一過。自不難明善復初矣。恭錄全經

冠首。以便讀者。

一樂善之心。人孰無之。特患無所激發耳。今既讀是經。則心起於善。而吉神已隨。倘轉


念中止。能逃陰譴乎。具疏警善。誰曰非宜。

一日期寡過。過端屬集。我相未化也。誠知民為天民。物我同源。將見仁慈在抱。成人美

重刊太上玉笈救劫金燈感應篇新註序用白話體

唐朝韓昌黎先生說的拿嘴來勸人不過一時印善書來勸人可以有**一百世**這幾句話真個是不錯的古來善書的名目多得很頂靈驗的總不及太上感應篇這部善書是從漢朝到唐朝再從宋朝到清朝敬奉的長久得很了遠的故事不必說就如明朝世宗皇帝做這部書的序文上說感應篇不但可以扶持聖經直可以補助王化關係真正大得很清朝世祖皇帝命刊刻感應篇賞賜王公大臣下至舉貢生監都賞到的那些名賢大儒宣佈教化有的申明這部書的義理添了註解有的證明這部書的報應畫了圖畫那怕愚笨的人也看得懂現在陸慎夫先生是從前江陰的名儒陸紹棠先生的曾孫入上海聯義善會夙根不昧一心向善蒙濟公臨壇闡教許為壇下弟子虔誦匯真子新註的太上感應篇見他說得詳細明白不但文人學士看了可以做戒他的身心就是農工商賈看了也可以興發他的善念把這部感應篇新註重新校對得字字清楚發願刊印貳千本拿得來送人但願世人善男信女看見這部感應篇新註嘴裡念了心裡就要去做譬如吃人參茯苓拿來做身體上的補益品可以培養一心的善念百事的善氣萬不可看像過眼的雲烟須教人人的善願都做到圓滿的地位就好了

民國九年庚申九月江陰程景垣謹序



不成人惡淨心行善庶有萬罪消滅之象

一 日用常行。莫非積德累功之地。敦倫飭紀。無論矣。一動念。一舉足。一話言。皆有位育氣象。神仙可冀。豈虛語哉。志大志小。存乎其人。

一 原本語語精粹。經

太上鑒定。故不列凡例。况陳真人弁言。既已提綱挈領。本末

兼該。諸真批點。精義畢呈。亦朗如列眉。讀者但逐章逐字。詳味可也。

一 流通獲福。謗阻招殃。各集備列果報。為執迷者勸也。若計功責效。怠心即乘。善行何由圓滿。董子曰。正誼不謀利。明道不計功。先哲云。無所為而為者。善也。吾願讀是經者。各以上限。遠到自勉。

一 是經所在。天神擁護。持誦者罔不恭敬奉行。其四方善信。有緣得領。是經禮誦之餘。隨時隨地。為人講說善矣。否則轉送他人。慎勿高閣塵封。致取慢經之咎。

太上感應篇

太上曰。禍福無門。惟人自召。善惡之報。如影隨形。是以天地有司過之神。依人所犯輕重。以奪人算。算減則貧耗。多逢憂患。人皆惡之。刑禍隨之。吉慶避之。惡星災之。算盡則死。又有三台北斗神君。在人頭上。錄人罪惡。奪其紀算。又有三司神。在人身中。每到庚申日。輒上詣天曹。言人罪過。月晦之日。竈神亦然。凡人有過。大則奪紀。小則奪算。其過大小有數百事。欲求長生者。先須避之。是道則進。非道則退。不履邪徑。不欺暗室。積德累功。慈心於物。忠孝友悌。正己化人。矜孤恤寡。敬老懷幼。昆蟲草木。猶不可傷。宜憫人之凶。樂人之善。濟人之急。救人之危。見人之得。如己之得。見人之失。如己之失。不彰人短。不炫己長。遏惡揚善。推多取少。受辱不怨。受寵若驚。施恩不求報。與人不追悔。所謂善人。人皆敬之。天道佑之。福祿隨之。眾邪遠之。神靈衛之。所作必成。神仙可冀。欲求天仙者。當立一千三百善。欲求地仙者。當立三百善。苟或非義而動。背理而行。以惡為能。忍作殘害。陰賊良善。暗侮君親。慢其先生。叛其所事。誑諸無識。謗諸同學。虛誣詐偽。攻訐宗親。剛強不仁。很戾自用。是非不當。向背乖宜。虐下取功。諂上希旨。受恩不感。忿怨不休。輕蔑天民。擾亂國政。賞及非義。刑及無辜。殺人取財。傾人取位。誅降戮服。貶正排賢。凌孤逼寡。棄法受賂。以直為曲。以曲為直。入輕為重。見殺加怒。知過不改。知善不為。自罪引他。壅塞方術。訛謗聖賢。穢污字紙。侵凌道德。射飛逐走。發螫驚棲。填穴覆巢。傷胎

破卵。願人有失。毀人成功。危人自安。滅人自益。以惡易好。以私廢公。竊人之能。蔽人之善。形人之醜。訐人之私。耗人貨財。離人骨肉。侵人所愛。助人為非。逞志作威。辱人求勝。敗人苗稼。破人婚姻。苟富而驕。苟免無耻。認恩推過。嫁禍賣惡。沽買虛譽。包貯險心。挫人所長。護己所短。乘威迫脅。縱暴殺傷。無故剪裁。非禮烹宰。散棄五穀。勞擾衆生。破人之家。取其財寶。決水放火。以害民居。紊亂規模。以敗人功。損人器物。以窮人用。見他榮貴。願他流貶。見他富有。願他破散。見他色美。起心私之。負他貨財。願他身死。甘求不遂。便生咒恨。見他失便。便說他過。見他體相不具。而笑之。見他才能可稱。而抑之。埋蠱厭人。用藥殺樹。恚怒師傅。抵觸父兄。強取強求。好侵好奪。擄掠致富。巧詐求遷。賞罰不平。逸樂過節。苛虐其下。恐嚇於他。怨天尤人。呵風罵雨。鬪合爭訟。妄逐朋黨。用妻妾語。違父母訓。得新忘故。口是心非。貪冒於財。欺罔其上。造作惡語。讒毀平人。毀人稱直。罵神稱正。棄順效逆。背親向疎。指天地以證鄙懷。引神明而鑿猥事。施與後悔。假借不還。分外營求。力上施設。淫慾過度。心毒貌慈。穢食餒人。左道惑衆。短尺狹度。輕稱小升。以偽雜真。採取姦利。壓良為賤。謾罵愚人。貪婪無厭。咒詛求直。嗜酒悖亂。骨肉忿爭。男不忠良。女不柔順。不和其室。不敬其夫。每好於誇。常行妒忌。無行於妻子。失禮於舅姑。輕慢先靈。違逆上命。作為無益。懷挾外心。自咒咒他。偏憎偏愛。越井越竈。跳食跳人。損子墮胎。行多隱僻。晦臘歌舞。朔旦號怒。對北涕唾及溺。對灶吟咏及哭。又以竈火燒香。穢柴

作食。夜起。裸露。八節行刑。唾流星。指虹霓。輒指三光。久視日月。春月燎獵。對北惡罵。無
故殺龜打蛇。如是等罪。司命隨其輕重。奪其紀算。算盡則死。死有餘責。乃殃及子孫。又
諸橫取人財者。乃計其妻子家口以當之。漸至死喪。若不死喪。則有水火盜賊。遺亡器
物。疾病口舌諸事。以當妄取之直。又枉殺人者。是易刀兵而相殺也。取非義之財者。譬
如漏脯救饑。鴆酒止渴。非不暫飽。死亦及之。夫心起於善。善雖未為。而吉神已隨之。或
心起於惡。惡雖未為。而凶神已隨之。其有曾行惡事。後自改悔。諸惡莫作。衆善奉行。久
久必獲吉慶。所謂轉禍為福也。故吉人語善。視善行善。一日有三善。三年天必降之福。
凶人語惡。視惡行惡。一日有三惡。三年天必降之禍。胡不勉而行之。

太上玉笈教劫金燈感應篇新註

註

感者人之感天也。應者天之應人也。世人多以青青者為天。不知天之氣無聲無臭。充塞兩間。凡自地以上。浮光虛空者。皆虛無之元氣。即皆天之元氣也。人之氣一呼一吸。息息與天之虛無者相通。故念頭偶動。人所不知者。而天獨知之。蓋人在天之氣中。不知其為氣。猶魚在水中。不知其為水也。善念偶動。其呼吸相通者。便是清氣。惡念偶動。其呼吸相通者。便是濁氣。清氣即天堂之階。濁氣即地獄之門。天堂地獄之分。即儒家所謂上達下達也。天與人原屬一氣。故人若塞了口鼻。不與天之虛無者相通。其人即死。然則人之感天。天之應人。無一毫差謬也。明矣。此太上慈悲救世。因以感應名篇云。

批

古語云。眼中皆是地。頭上豈非天。凡自地以上皆天。與人呼吸相通。尤為親切。昔呂祖遇一道士。謂曰。爾何求。曰。求道。問道何在。指天。問天何在。指心。呂祖曰。道即天。天即心。已知道之大原。平日必不肯作虧心事。察之果然。遂傳以大道。

註

太上曰。禍福無門。惟人自召。善惡之報。如影隨形。
太上。即無量度人。道德天尊也。禍者。天所降之百殃也。福者。天所降之百祥也。然禍福之權。操之自天。而其感召。實由於人。何謂無門。凡天下之有門者。或開或閉。尚有遮攔。可以趨避。若夫無門六通四闢。八面玲瓏。無一毫遮攔。便無一毫可以趨避。召

者。如君之召臣。父之召子。有召而必至之情。以善召之。隨應以福。以惡召之。隨應以禍。其報應絲毫。不爽。故太上謂如影隨形也。然雖如影隨形。而報有大小。如影有遠近。影遠則大。影近則小。其報應遲速亦如是。昔有人問佛云。某人現在為善。竟未獲福。某人現在為惡。竟未得禍。豈報應無憑歟。佛云。善惡之報。雖經百千億萬劫。均不能差以毫髮。豈有難憑之理。凡人善多惡少者。先報其惡。後報其善。善少惡多者。先報其善。後報其惡。有先惡後善者。則惡報從輕減去一等。有先善後惡者。則善報從輕亦減去一等。更有惡孽太重。一劫二劫。惡報難盡。復受惡報於百千億萬劫者。亦有善功極大。一劫二劫。善報難盡。復受善報於百千億萬劫者。又昔賢云。為善尚未獲福。設以此人而為惡。其禍更有不可勝言者矣。為惡尚未得禍。設以此人而為善。其福更有不可勝量者矣。天何嘗絲毫有虧於人哉。惟達人君子。知禍福循環之理。善惡響應之機。冤冤相報。無有了期。劫劫相纏。難以休息。借入世之法。而修出世之道。敦篤倫常。積累功德。雙修性命。了却聖凡。跳出陰陽生死之圈。打破煩惱癡迷之窠。天地有壞期。而我之法身。終無壞時。雖有百千億萬劫之罪案。一筆鈎消。安有所謂報應之說哉。不然。僅知為善以造福。不求積善以了道。將來之享福愈大。而驕奢淫逸。迷性亦愈大。迷性愈大。而造孽亦愈大。恐今生之善報未盡。而來生之惡報復隨。不惟來生之惡報相隨。而前生之惡孽。有未盡報者。亦將起而併作矣。六祖壇經

云。迷人修福不修道。只言修福便是道。又曰。儼將修福欲滅罪。後世得福罪還在。純陽呂祖云。有功仍要務修真。休謂有功便不傾。須曉曹巖秦董輩。豈無陰德在前生。太上為大道之主。先以禍福示人。望人去惡消禍。為善造福。實望人多種善根。以為入道之基也。古仙云。善根種而靈骨生。靈骨生而仙可冀。甚矣。此書不僅為救劫金燈也。

批此一段講善惡感應。精切不磨。打破千古疑團。啟人無限信心。人惟有疑於報應。無憑。故善惡之事亦多蒙混。又昔賢云。福善不在渺冥。天只於晨夕起居處鑒其衷。禍淫不在外面。天早於隱微幽獨中奪其魄。又云天欲福人。必先以微禍警之。故禍來不必憂。要看他會救。天欲禍人。必先以微福驕之。要看他會受。細心參觀。反覆詳玩。義理明而向善去惡之心自然真實。所謂知至而后意識也。至於借入世之法。而修出世之道。能將百千億萬劫罪案。一筆鈎消。尤為向上一層之事。○又云。叩之於己。必無行惡得福。行善得禍之理。問之於天。必無見善人反怒。見惡人反喜之情。君子於此。可以決所從違矣。

註是以天地有司過之神。依人所犯輕重。以奪人算。是以二字緊頂如影隨形來。惟其報應不爽。故一切功過皆有神以主持也。天有天神。如上界三元之類。地有地祇。如下界五岳之類。皆係功過兼司。非僅專司人之過。

也。然人生在世。醒悟者少。癡迷者多。積惡容易。積善較難。見過容易。見功較難。故太上勸人為善。開口便說有司過之神。以示人知警惕也。一日十二時中。無功便是過。蓋功過無中立之理。不必拘定行有過之事。說有過之話。存有過之心。始為有過。分陰宜惜。虛度多愆。古人瞬存息養。隨在皆寡過之方。即隨在皆見功之地。今人日在過中。尚自謂無過。此即所謂大過也。過有輕重。神即依人所犯者。以奪其壽算。天神之糾過罰惡。條例不一。豈僅奪其壽哉。不知五福以壽為首。六極以短折為先。人縱不顧身家。鮮有不顧性命者。故上天之罰惡。專以此為重也。

辨 宋安禪師住清泰寺。入定時。見二僧倚欄相語。初有天神擁護傾聽。忽散去。俄而惡鬼唾罵。後召二僧問其故。答曰。初談佛法。後談財利也。噫。可畏哉。○人非聖賢。孰能無過。吾輩發憤自雄。必先實心改過。真心向善。時時檢點。步步省察。方有成就。昔賢有詩云。人非聖賢。過焉無。只用回頭力。省除放下屠刀。能作佛。前雖失足。後堪圖望。人改過之意深矣。

算減則貧耗

註 壽算既減。而惡報即隨。當富則玉樓削籍。當貴則金榜除名。即命中應享之福祿。亦

漸至耗散。而轉為貧矣。然能從茲醒悟。痛改前非。立志向善。向道。則貧耗亦未始不轉為富貴。至有生而貧困者。或係前生宿孽。或係上天動心忍性。均不可知。尤當發

憤自雄。急圖救貧良策。孔子云。君子憂道不憂貧。佛祖云。一人辦心。諸天辦供。太上云。修行人有三分真心。上天便有七分護法。三教聖人。豈誑語哉。昔南極仙翁。諭鶴臞子曰。子處境艱難。兒女滿門。苦哉。子為境所困矣。然只要辦得一副有進無退的心腸。能受千磨百折的境界。自然打得鐵壁穿。鑽得火山過。子其咬著牙根。豎起脊梁。堅心如百鍊之剛。任此身可凍可餓。可死可生。而此心終不稍改。豈上天無數高真。全是聾瞶。毫不照顧乎。然則子患立志不堅。無患處境難堪也。且既有真志。則何境不可處。雖在刀山劍樹。鐵林火坑。亦可立地成仙成佛。况啜菽飲水。淡飯粗衣。乃貧士之常耶。至於家口雖衆。天生民物。有生自有養。蠶將育而桑即發。子欲產而乳。即生。只要男女大小。不至游手好閒。或耕或讀。或紡或績。各安生理。又何憂哉。特患不知自救其貧耳。

批

凡人身處順境。一切享用。事事順心。功夫有何長進。惟處逆境。則艱難險阻中。均鍊得幾件不朽事業。觸發出許多真實識見。是以豪傑一遇逆境。便看作天心仁愛。振起精神。忍耐奮作。故曰身處逆境。周身皆針砭藥石。砥行勵節。而不覺身處順境。滿前皆兵刃戈矛。銷膏燬骨而不知。○世有慮家口浩繁者。只要道心堅定。亦不必憂蓋多一人。即多一人之祿。天早註定矣。但游手好閒。是為可憂耳。

多逢憂患

註

貧耗之餘。且無故而內憂迭起。無端而外患頻生。安樂之境。轉為多逢憂患矣。然從此恐懼修省。則憂患亦不難轉為安樂。須撫心自問。平日若係罪過多端。便痛心懺悔。誓不再犯。祈上天赦其已往之愆。與以自新之路。憂患自冰消瓦解。若自問素非無德。則憂患如日月之食。不久自脫。昔文王囚羑里。孔子厄陳蔡。天何嘗令其難脫禍哉。至於中人。雖無文王孔子之德。只要心中善自排遣。立志自新。常默唸曰。此乃上天之警惕我也。當從此刻勵。昔賢云。福不可邀。養喜神。即是邀福之本。禍不可避。去殺機。即是避禍之方。又曰。天地不可一日無和氣。人心不可一日無喜神。但求仰不愧。俯不怍。則身處憂患。自不為憂患所累矣。世有學道之士。往往遭逢憂患。便爾退其道心。吁。此等人。畢竟福薄命淺。昔有紫清真人。當求道時。每遇萬分窮愁。將生退悔。便自默唸曰。此乃英雄出世第一大事也。吾何敢生退悔心。一日遊至古寺。日暮天寒。四無人煙。欲借廟中止宿。以為和尚必定慈悲。孰意和尚見其襤褸。逐出門外。紫清無奈。即在山門外露宿。和尚又命人以水潑濕階地。是夜寒透肌骨。將生退悔。仍然豎起精神。曰。任隨上天如何磨折。此心總是堅定。恰遇陳汎九祖師。從空中雲遊。見有白光冲霄。知是道器。隨命童子引至洞府。傳以大道。

批昔郭鄴窮愁。每倦悶時。見二物如猴跳於前。驅之不去。避之仍來。一日二物自言曰。吾乃主世之憂患者。因汝過多。故相擾耳。○當得意時。須尋一條退路。然後不死於

安樂。當失意時。須尋一條出路。然後可生於憂患。○人心靈機滯塞。皆緣樂趣間斷。朱子云。深源定自閒中得。妙用俱從樂處生。昔屠赤水賞月梧桐下。妻孥告明晨無米。答曰。明日自有明日在。我不孤負梧桐月色也。斯人豈憂患能累哉。○人果立志如紫清真人之堅定。何患不遇真師。何患不成大道。噫。如紫清者。誠足以起百萬世之懦氣也。

人皆惡之

註 貧耗憂患之餘。或有人提携排解。亦可稍安。孰意心性多咎。遂致面目可憎。人皆厭而惡之。雖平日至親好友。亦瞋恨不理。此非人之無情也。倘或因人惡我。我轉謬以惡人。是不悔己之多過。徒怪人之寡情。勢必至貧耗轉甚。憂患倍增矣。惟從此自怨自艾。急改庸懦小人之行。立定聖賢豪傑之志。全不尤人。惟知責己。父母昆弟之間。倍敦孝友。親戚鄰朋之際。接以溫恭。久之惡孽消盡。善氣迎人。而惡我之人。未有不轉為敬我愛我者。

排 我如為善。雖一介寒士。亦有人服其德。况上焉者乎。我如為惡。雖位極人臣。亦遭人斥其非。况下焉者乎。

刑禍隨之

註 眾人皆惡己。覺孤立無助。使不遭官刑橫禍。則貧耗或可以稍順。憂患或可以暫消。